

**Ministarstvo za rad, socijalnu politiku, raseljena lica i
izbjeglice Kantona Sarajevo**

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 13. Zakona o profesionalnoj rehabilitaciji, osposobljavanju i zapošljavanju osoba sa invaliditetom ("Službene novine Federacije BiH", broj 9/10), Ministarstvo za rad, socijalnu politiku, raseljena lica i izbjeglice Kantona Sarajevo donosi

**PRAVILNIK
O IZMJENI I DOPUNI PRAVILNIKA O BLIŽIM
USLOVIMA ZA OSNIVANJE I RAD USTANOVA ZA
PROFESIONALNU REHABILITACIJU****Član 1.**

(Izmjena i dopuna člana 2.)

U Pravilniku o bližim uslovima za osnivanje i rad ustanova za profesionalnu rehabilitaciju ("Službene novine Kantona Sarajevo", broj 11/11) u članu 2. stav 1) tačka g) iza riječi: "Pravilnik o protivpožarnoj zaštiti" interpunkcijski znak: "tačka" zamjenjuje se interpunkcijskim znakom: "zarez".

Iza tačke g) dodaje se nova tačka h) koja glasi:

"h) Stručno mišljenje o primijenjenosti mjera zaštite od požara u objektu, izdato od pravnog lica registrovanog za djelatnost zaštite od požara (u daljem tekstu: Stručno mišljenje)."

Član 2.

(Prelazna odredba)

- 1) Ustanove koje su osnovane prije stupanja na snagu ovog pravilnika dužne su dostaviti Ministarstvu za rad, socijalnu politiku, raseljena lica i izbjeglice Kantona Sarajevo -Komisiji za odlučivanje o ispunjavanju uslova za osnivanje ustanova Stručno mišljenje u roku od tri mjeseca od dana stupanja na snagu ovog pravilnika.
- 2) Ukoliko ustanove iz stava 1) ovog člana ne dostave Stručno mišljenje u propisanom roku, Komisija će donijeti rješenje o neispunjavanju uslova za osnivanje ustanove.
- 3) Rješenje iz stava 2) ovog člana Komisija će dostaviti Kantonalnoj upravi za inspeksijske poslove.

Član 3.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 13-04/2-02-42012/21

10. februara 2022. godine

Sarajevo

Ministrica

Ivana Prvulović, s. r.

Na osnovu čl. 66. i 67. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 70. stav 4. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18 i 52/21), ministrica za rad, socijalnu politiku, raseljena lica i izbjeglice Kantona Sarajevo donosi

**PRAVILNIK
O DOPUNI PRAVILNIKA O OPĆIM I POSEBNIM
USLOVIMA ZA OSNIVANJE USTANOVA SOCIJALNE
ZAŠTITE****Član 1.**

(Dopuna člana 2.)

U Pravilniku o općim i posebnim uslovima za osnivanje ustanova socijalne zaštite ("Službene novine Kantona Sarajevo", br. 24/10, 46/15 i 9/16) u članu 2. iza stava 2. dodaje se novi stav 3. koji glasi:

"Podnosilac zahtjeva za osnivanje ustanove pored dokaza navedenih u st. 1. i 2. ovog člana dužan je dostaviti Stručno mišljenje o primijenjenosti mjera zaštite od požara u objektu, izdato od pravnog lica registrovanog za djelatnost zaštite od požara (u daljem tekstu: Stručno mišljenje)."

Član 2.

(Prelazna odredba)

Ustanove koje su osnovane prije stupanja na snagu ovog pravilnika dužne su dostaviti Ministarstvu za rad, socijalnu politiku, raseljena lica i izbjeglice Kantona Sarajevo - Komisiji za prvostepeno rješavanje (u daljem tekstu: Komisija) Stručno mišljenje u roku tri mjeseca od dana stupanja na snagu ovog pravilnika.

Ukoliko ustanove iz stava 1. ovog člana ne dostave Stručno mišljenje u propisanom roku, Komisija će donijeti rješenje o neispunjavanju uslova za osnivanje ustanove.

Rješenje iz stava 2. ovog člana Komisija će dostaviti Kantonalnoj upravi za inspeksijske poslove.

Član 3.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 13-04/2-02-42013/21

10. februara 2022. godine

Sarajevo

Ministrica

Ivana Prvulović, s. r.

Ministarstvo privrede Kantona Sarajevo

Na osnovu člana 24. Zakona o novčanim podsticajima u poljoprivredi na području Kantona Sarajevo ("Službene novine Kantona Sarajevo", br. 1/12 i 15/13), ministar privrede donosi

**PRAVILNIK
O IZMJENAMA I DOPUNAMA PRAVILNIKA O
POSEBNIM USLOVIMA ZA OSTVARENJE PRAVA NA
NOVČANI PODSTICAJ****Član 1.**

(Izmjene i dopune člana 2.)

- 1) U Pravilniku o posebnim uslovima za ostvarenje prava na novčani podsticaj ("Službene novine Kantona Sarajevo", br. 21/13, 39/14, 20/17 i 22/19) u članu 2. u tač. 3. i 4. broj: "60", zamjenjuje se brojem: "50".
- 2) U tački 10. iza riječi: "motokultivator minimalne snage 6 kW", veznik "i" briše se i dodaje se interpunkcijski znak ",", a iza riječi: "kosačicu minimalne snage 4 kW", dodaju se riječi: "i motokopačicu minimalne snage 4 kW".
- 3) U tački 13. iza riječi "med", dodaju se riječi: "dekristalizator, linija za pravljenje pčelinjih pogača, linija za pravljenje satnih osnova".

Član 2.

(Izmjena člana 5.)

U članu 5. u stavu (1) tačka d) briše se.

Član 3.

(Izmjena člana 6.)

U članu 6. tačka a) riječi: "na obrascu A-11 iz člana 41. ovog pravilnika", brišu se.

Član 4.

(Izmjena člana 10.)

U članu 10. stav (2) tačka a) riječi: "na obrascu A-11 iz člana 41. ovog pravilnika", brišu se.

Član 5.

(Izmjena člana 12.)

U članu 12. stav (2) briše se.

Član 6.

(Izmjene člana 15.)

U članu 15. u stavu (1) tač. a), b) i c) mijenjaju se i glase:

"a) da uvodi u tov telad ne stariju od 6 mjeseci;

b) da tovi telad;

c) da je maksimalna ulazna težina junadi uvedenih u tov 210 kg po grlu, a minimalna izlazna težina junadi je 450 kg uz minimalno trajanje tova od 210, a maksimalno 300 dana;"

Član 7.

(Izmjena i dopuna člana 23.)

(1) U članu 23. stav (1) iza tačke g) dodaje se nova tačka h) koja glasi:

"h) kandidat od 21 do 100 mliječnih krava i otkupljivač mlijeka ne mogu biti na istoj lokaciji, jer nemaju transportnih troškova, pa za ostvarivanje prava na novčani podsticaj njihova udaljenost mora biti najmanje 15 km."

(2) U stavu (2) tačka a) briše se.

Član 8.

(Izmjene člana 25.)

(1) U članu 25. stav (2) tačka b) podtač. 1) i 2) riječi: "i nota", brišu se.

(2) Stav (3) mijenja se i glasi:

"(3) Kandidat je obavezan da kupi i zasije deklarirani sjemenski materijal za ratarske kulture u slijedećim količinama:

R.b.	Naziv ratarske kulture	Minimalne količine deklarisanog sjemena kg/ha
I	Merkantilne žitarice	
1	kukuruz	20
2	pšenica	130
3	ječam ozimi	100
4	ječam jari	90
5	zob	90
6	raž	90
7	tritikale	130
II	Heljda	/
III	Ljekovito bilje	
1	andelika	6
2	kamilica	8
3	neven	6
4	bijeli šljez	5
5	matičnjak	10-12
6	menta	1000-2000 vriježa/ha

Član 9.

(Izmjene člana 26.)

U članu 26. stav (2) tačka b) podtač. 1) i 2) riječi: "i nota", brišu se.

Član 10.

(Izmjene člana 28.)

(1) U članu 28. stav (2) tačka b) podtač. 1) i 2) riječi: "i nota", brišu se.

(2) Stav (3) mijenja se i glasi:

"(3) Kandidat treba da kupi i zasadi deklarirani sadni materijal za voćarske kulture u slijedećim količinama:

R.b.	Naziv voćarske kulture	Minimalne količine deklariranih sadnica kom/ha	
		Intenzivan	poluintenzivan
I	Krošnjasto voće		
1	jabuka	2000	500
2	kruška	1500	550
3	šljiva	700	350
4	trešnja	900	350
5	lješnjak	700	300
6	orah	140	100
II	Jagodičasto voće		
1	jaboda	40 000	
2	malina	8000	
3	kupina	2500	
4	borovnica	2000	
5	brusnica	40 000	
6	ribizla	8000	
7	ogrozd	8000	
8	aronija	2000	

Član 11.

(Izmjena člana 29.)

U članu 29. stav (2) tačka b) podtačka 2) riječi: "i nota", brišu se.

Član 12.

(Izmjene člana 32.)

U članu 32. st. (3) i (4) brišu se.

Član 13.

(Izmjena člana 38.)

U članu 38. stav (1) tačka b) briše se.

Član 14.

(Izmjena člana 41.)

U članu 41. stav (2) briše se.

Član 15.

(Prečišćeni tekst)

Ministarstvo privrede Kantona Sarajevo se obavezuje da pripremi prečišćeni tekst Pravilnika o posebnim uslovima za ostvarivanje prava na novčani podsticaj.

Član 16.

(Stupanje na snagu)

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 07-05-02-3740/22

24. februara 2022. godine

Sarajevo

Ministar

Adnan Delić, s. r.

GRAD SARAJEVO

Gradonačelnik

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 76. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), budžeta i odluke o izvršenju budžeta Grada Sarajeva za tekuću godinu, gradonačelnik/ca donosi